

全唐詩




全唐詩目 第五函

第三冊

李益 二卷

李端 三卷

藏書



全唐詩

李益

李益字君虞姑臧人大曆四年登進士第授鄭縣尉久不調益不得意北遊河朔幽州劉濟辟為從事嘗與濟詩有怨望語憲宗時召為祕書少監集賢殿學士自負才地多所凌忽為衆不容諫官舉其幽州詩句降居散秩俄復用為祕書監遷太子賓客集賢學士判院事轉右散騎常侍太和初以禮部尚書致仕卒益長於歌詩貞元末與宗人李賀齊名每作一篇教坊樂人以賂求取唱為供奉歌辭其征人歌早行篇好事畫為屏障集

一卷今編詩二卷

從軍有苦樂行時從司空魚公北

勞者且莫一作勿歌我欲一作歌送君觴從軍有苦樂此曲樂未

央僕居在一作本居隴上隴水斷人腸東過秦宮路宮路一作樹

入咸陽時逢漢帝出諫獵至長楊詎馳遊俠窟非結少

年場一旦承嘉惠輕身一作命重恩光秉筆參帷帝從軍至

朔方邊地多陰風草木自淒涼斷絕海雲去出沒胡沙

長參差引雁翼隱麟騰軍裝劔文夜如水馬汗凍成霜

俠氣五都少矜功六郡良山河起目前睚眦死路傍北

逐驅獯一作種虜西臨復舊疆昔還賦一作數餘資今出乃贏糧

一矢殲夏服我弓不再張寄語一作言丈夫雄苦樂身自當

登長城一題作塞下曲

漢家今上郡秦塞古長城有日雲長慘無風沙自驚當  
今聖天子不戰四夷平

雜曲

妾本蠶家女不識貴門儀藁砧持玉斧交結五陵兒十  
日或一見九日在路岐人生此夫壻富貴欲何為楊柳  
徒可折南山不可移婦人貴結髮寧有再嫁資嫁女莫  
望高女心願所宜寧從賤相守不願貴相離藍葉鬱重  
重藍花若榴色少婦歸少年華光一作華自相得誰言配君  
子以奉百年身有義即夫壻無義還他人愛如寒爐火  
棄若秋風扇山嶽起面前相看不相見丈夫非小兒何  
用強相知不見朝生菌易成還易衰征客欲臨路居人

還出門北風河梁上四野愁雲繁豈不戀我家夫壻多  
感恩前程有日月勲績在河源少婦馬前立請君聽一  
言春至草亦生誰能無別情殷勤展心素見新莫忘故  
遙望孟門山殷勤報君子既爲隨陽雁勿學西流水嘗  
聞生別離悲莫悲於此同器不同榮堂下即千里與君  
貧賤交何異萍上水託身天使然同生復同死

送遼陽使還軍

征人歌且行北上遼陽城五月戎馬息悠悠邊草生青  
山出塞斷代地入雲平昔者匈奴戰多聞殺漢兵平生  
報國憤一作意日夜角弓鳴勉君萬里去勿使虜塵驚

賦得早燕送別



碧草縵一作漫如綫去來雙燕飛長門未有春先入班姬殿

梁空繞不一作復息簷寒窺欲遍今至隨紅萼一作昔還悲素

扇一別與秋鴻差池詎相見

秋晚溪中寄懷大理齊司直

時齊分司洛下有東山之期

鳳翔屬明代羽翼文歲蕤崑崙進琪樹飛舞下瑤池振  
儀自西睠東夏復分釐國典唯平法伊人方在斯荒寧

一作亭

桁楊肅芳輝蘭玉滋明質鶩高景飄颻服纓綬天寒

清洛苑秋夕白雲司况復空巖側蒼蒼幽桂期歲寒坐  
流霰山川猶別離浩思憑尊酒氛氲獨含辭

溪中月下寄楊子尉封亮

蘅若奪幽色銜思恍無棕宵長霜霧一作霰多歲晏淮海風

團團山中月三五離夕

一作席

同露凝朱弦絕觴至蘭玉空

清光液流波盛明難再逢嘗恐河漢遠坐窺烟景窮小

人諒處陰君子樹大

一作元

功永願厲高翼慰我丹桂叢

春晚賦得餘花落

得起字

留春春竟去春去花如此蝶舞遶應稀鳥驚飛詎已衰

紅辭故萼繁綠扶彫蕊自委不勝愁庭風那更起

聞亡友王七嘉禾寺得素琴

故人惜此去留琴明月前今來我訪舊淚灑白雲天詎

欲迴孤響送君歸夜泉撫琴猶可絕况此故無弦何必

雍門奏然後淚

一作徒

潺湲

校書郎楊凝往年以古鏡貺別今追贈以詩

明鏡出匣時明如雲間月一別青春鑑回光照華髮美人昔自愛鞦帶手中一作所結願以一作似三五期經天無玷缺

置酒行一本無行字

置酒命所歡憑觴遂為戚日往不再來茲辰坐成昔百齡非久長五十將半百胡為勞我形已鬚一作鬢又作鬢還復白西山鸞鶴羣一作鶴矯矯煙霧翻明霞一作訣發金丹陰洞潛水碧安得凌風羽崦嵫駐靈魄無然坐衰老慙歎一作觀東陵柏

長社竇明府宅夜送王屋道士常究子

旦隨三鳥去羽節凌霞光暮與雙鳧宿雲車下紫陽天壇臨月近洞水出山長海嶠年年別丘陵徒自傷

觀回軍三韻

行行上隴頭隴月一作麥暗悠悠萬里將軍沒回旌隴戍一作樹  
秋誰令嗚咽水重入故營流

華山南廟

陰山臨古道古廟閉山碧一作廟閉空山碧落日春草中寒芳薦瑤

席明靈達精意髣髴如不隔巖一作微雨神降時回颺入松

栢常聞坑儒後此地返秦一作曾返壁自古害忠良神其輔宗

祐

喜邢校書遠至對雨同賦遠晚飯阮返五韻

雀噪空城陰木衰羈思遠已一作似蔽青山望徒悲白雲晚

別離千里風雨中同一飯開徑說逢康臨觴方接阮旅

宦竟何如勞飛思自返

城西竹園送裴佶王達

歲蕤凌風竹寂寞離人觴愴懷非外至沈鬱自中腸遠  
行從此始別袂重淒霜

月下喜邢校書至自洛

天河夜未央漫漫復蒼蒼重君遠行至及此明月光華  
星暎衰柳暗水入寒塘客心定何似餘歡方自長

北至太原

炎祚昔昏替皇基此鬱盤玄命久已集撫運良乃一作良艱

南陌羊腸險北走雁門寒始於一戎定垂此億世安唐

風本憂思王業寔艱難中曆雖橫潰天紀未可干聖明

所興國靈嶽固不殫咄咄薄遊客斯言殊不刊

入華山訪隱者經仙人石壇

三考四一作西嶽下官曹少休沐久負青山諾今還獲所欲

嘗聞玉清洞金簡受玄籙夙駕昇天行雲遊恣霞宿一作

雲霞霞志平明矯輕策捫石入空曲仙人古石壇苔遶青瑤

局陽桂凌煙紫陰蘿冒水綠隔世一作聞丹經懸泉注明

玉前驚羽人會白日天居肅問我將致辭笑之自相目

竦身雲遂起仰見雙白鵠墮其一紙書文字類鳥足視

之了不識三返又三復歸來問方士舉世莫解讀何必

若蜉蝣然後為跼促鄙哉宦游子身志俱降辱再往不

及期勞歌叩山木

罷鏡

手中青銅鏡照我少年時  
衰颯一如此清光難復持  
欲令孤月掩從遣半心疑  
縱使逢人見猶勝自見悲

華陰東泉同張處士詣藏律師兼簡縣內同官  
因寄齊中書

蒼崖抱寒泉淪照洞金碧潛鱗孕明晦山靈闕幽一作精蹟

前峯何其詭萬變窮日夕松老風易悲山秋雲更白故

人邑中吏五里仙霧隔美質簡瓊瑤英聲鏗金石煩君

竟相問問我此何適我因贊時理書寄西飛翮哲匠熙

百工日月被光澤大國本多士荆岑無遺壁高網彌八

紘皇圖明四闢羣材既兼暢顧我在草澤貴無身外名

賤有區中役，忽忽百齡內。殷殷千慮迫，人生已如寄。在  
寄復爲客，舊國不得歸。風塵滿阡陌。

答郭黃中孤雲首章見贈

孤雲生西北，從風東南飄。帝鄉日已遠，蒼梧無還飈。已  
矣玄鳳歎，嚴霜集靈茗。君其勉我懷，歲暮孰不彫。

合源溪期張計不至

霜露肅時序，緬然方獨尋。暗溪遲仙侶，寒澗聞松禽。寂  
歷茲夜一作夜永，清明秋序深。微波澹澄夕，煙景含虛林。素  
志久淪否，幽懷方自吟。一作吟

竹溪

訪竹越雲崖，卽林若溪絕。寧知修幹下，漠漠秋苔潔。清



光溢空曲茂色臨幽澈採摘愧芳鮮奉君歲暮節

送諸暨王主簿之任

別愁已萬緒離曲方三奏遠宦一辭鄉南天異風候秦  
城歲芳老越國春山秀落日望寒濤公門閉清晝何用  
慰相思裁書寄關右

罷秩後入華山採茯苓逢道者

委綬來

一作采

名山觀竒恣所停山中若有聞言此不死庭

遂逢五老人一謂西嶽靈或聞樵人語飛去入昴星授

我出雲路蒼然凌石屏視之有文字乃古黃庭經左右

長松列動搖風露零上蟠千年枝陰虬負青冥下結九

秋霰流膏爲茯苓取之砂石間異若龜鶴形况聞秦宮

女華髮變已青有如上帝心與我千萬齡始疑有仙骨  
鍊魂可永寧何事逐豪遊飲啄以羶腥神物亦自閔風  
雷護此扃欲傳山中寶回策忽已暝乃悲世上人求醒  
終不醒

自朔方還與鄭式瞻崔稱鄭子周岑贊同會法  
雲寺三門避暑

予本疎放士竭來非外矯誤落邊塵中愛山見山少始  
投清涼宇門值煙岫表參差互明滅彩翠竟昏曉泠泠  
遠風來過此羣木杪英英二三彥襟曠去煩擾一作遊川  
出潛魚息陰勸飛鳥徇物不可窮唯於此心了

來從寶車騎行自朔方

行作

萊髮逢世屯懷恩抱明義讀書良有感一作不武學劍慙非智

遂別魯諸生來從竇車騎追兵赴邊急絡馬黃金轡出

入燕南陲由來重意氣自經臯蘭戰又一作破樓煩地西

北護三邊東南留一尉時過歛如雲一作如雲兩參差不自一作不自

意將軍失恩澤萬事從此異置酒高臺上薄暮秋風至

長戟與我歸歸來同棄置自酌還自飲非名又非利歌

出易水寒琴下雍門淚出逢平樂舊言在天階侍問我

從軍苦自陳少年貴丈夫交四海徒論身自致漢將不

封侯蘇卿勞一作來又作還遠使今我終此曲此曲誠不易貴人

難識心何由知忌諱

夜發軍中

李益

邊馬櫪上驚雄劔匣中鳴  
半夜軍書至匈奴寇六城中  
堅分暗陣太乙起神兵  
出沒風雲合蒼黃豺虎爭  
今日邊庭戰緣賞不緣名

將赴朔方早發漢武泉

弭蓋出故關窮秋首邊路  
問我此何為平生重一顧  
風吹山下草繫馬河邊樹  
奉役良有期回瞻終未屢  
去鄉幸未遠戎衣今已故  
豈惟幽朔寒念我機中素  
去矣勿復言所酬知音<sub>一作者</sub>遇

城傍少年

一作漢宮少年行

生長邊城傍出身事弓馬  
少年有膽氣獨獵陰山下  
與匈奴逢曾擒射鵰者  
名懸壯士籍請君少相假

游子吟

女羞夫婿薄客耻主人賤遭遇同衆流低回媿相見君  
非青銅鏡何事空照面莫以衣上塵不謂心如練人生  
當榮盛待士勿言倦君看白日馳何異弦上箭

飲馬歌

百馬飲一泉一馬爭上游一馬噴成泥百馬飲濁流上  
有滄浪客對之空歎息自顧纓上塵裴回終日夕為問  
泉上翁何時見沙石

蓮塘驛

在盱  
眙界

五月渡淮水南行遶山陂江村遠雞應竹裏聞縹絲楚  
女肌髮美蓮塘煙露滋菱花覆碧渚黃鳥雙飛時渺渺

沂洄遠憑風託微詞斜光動流睇此意難自持女歌本  
輕豔客行多怨思女蘿蒙幽蔓擬上青桐枝

五城道中

金鏡隨玉節落日河邊路沙鳴後騎來雁起前軍度五  
城鳴斥堠三秦新召募天寒白登道塞濁陰山霧仍聞  
舊兵老尚在烏蘭戍笳簫漢思繁旌旗邊色故寢興倦  
弓甲勤役傷風露來遠賞不行鋒交勳乃茂未知朔方  
道何年罷兵賦

與王楚同登青龍寺上方

連岡出古寺流睇移芳讌鳥沒漢諸陵草平秦故殿搖  
光淺深樹拂木一作水參差鷲春心斷易迷遠目傷難徧壯

目各輕年暮年方自見

登夏州城觀送行人賦得六州胡兒歌

六州胡兒六蕃語十歲騎羊逐一作射沙鼠沙頭牧馬孤雁

飛漢軍遊騎貂錦衣雲中征戍三千里今日征行一作作何

歲歸無定河邊數株柳共送行人一杯酒胡兒起一作和

一作蕃歌齊唱嗚嗚盡垂手心知舊國西州遠西向胡天

望鄉久回頭忽作異方聲一聲回盡征人首蕃音虜曲

一作難分似說邊情向塞雲故國關山無限路風沙滿

眼堪斷魂不見天邊青一作草塚古來愁殺漢昭君

從軍夜次六胡北飲馬磨劔石為祝殤辭

我行空磧見沙之磷磷與草之羃羃半没胡兒磨劔石

當時洗劔血成川至今草與沙皆赤我因扣石問以言  
水流嗚咽幽草根君寧獨不怪陰燐吹火熒熒又爲碧  
有鳥自稱蜀帝魂南人伐竹湘山下交根接葉滿淚痕  
請君先問湘江水然我此恨乃可論秦亡漢絕三十六國  
關山戰死知何極風飄雨灑水自流此中有冤消不得  
爲之彈劔作哀吟風一作蓬沙四起雲沈沈滿營戰馬嘶欲  
盡畢昂不見胡天陰東征曾弔長平苦往往晴明獨風  
雨年移代去感精魂空山月暗聞鼙鼓秦坑趙卒四十  
萬未若格鬪傷戎虜聖君破胡爲六州六州又盡爲一作空  
胡丘韓公三城斷胡路漢甲百萬屯邊秋乃分司空授  
朔土擁以玉節臨諸侯漢爲一雪萬世讐我今抽刀勒



劔石告爾萬世為唐休又聞招魂有美酒為我澆酒祝  
東流殤為魂今可以歸還故鄉些沙場地無人兮爾獨  
不可以久留

登天壇夜見海

一本海下有日字

朝遊碧峯三十六夜上天壇月邊宿仙人攜我搴玉英  
壇上夜半東方明僊鐘撞撞近海日海中離離三山出  
霞梯赤城遙可分霓旌絳節倚彤雲八鸞五鳳紛在御  
王母欲上朝元君羣仙指此為我說幾見塵飛滄海竭  
竦身別我期丹宮空山處處遺清風九州下視杳未日  
一半浮生皆夢中始知武皇求不死去逐瀛洲羨門子  
大禮畢皇帝御丹鳳門改元建中大赦

大明曠曠天地分六龍負日升天門鳳凰飛來銜帝籙  
言我萬代金皇孫靈雞鼓舞承天赦高翔百尺垂朱幡  
宸居穆清受天曆建中甲子合上元昊穹景命即已至  
王一作事乃可酬乾坤升中告成答玄貺泥金檢玉昭鴻  
恩云亭之事畧可記七十二君寧獨尊小臣欲上封禪  
表一作久而未就一作歸文一作園

輕薄篇

豪不必馳千騎雄不在垂雙鞬天生俊氣自相逐出與  
鷗鷺同飛翻朝行九衢不得意下鞭走馬城西原忽聞  
燕雁一聲去回鞍挾彈平陵園歸來青樓曲未半一作美  
人玉色當金尊淮陰少年不相下酒酣半笑倚市門安

知我有不平色白日欲落紅塵昏死生容易如反掌得  
意失意由一言少年但飲莫相問此中報讐亦兼報恩

野田行

一作于  
鶴詩

日沒出古城野田何茫茫寒狐嘯一作青塚鬼火燒白楊  
昔人未為泉下客行到此中曾斷腸

古別離

雙劍欲別風一作淒然雌沈水底雄上天江回漢轉兩不  
見雲交雨合知何年古來萬事皆由命何用臨岐苦涕

漣

一作涕  
苦相連

效古促促曲為河上思婦作

促促何促促黃河九回曲嫁與棹船郎空牀將影宿不

道君心不如石那教一作令妾貌長如玉

漢宮少年行

君不見上宮警夜營八屯  
藜藜街鼓朝朱軒玉堦霜仗  
擁未合少年排入銅龍門  
暗聞弦管九天上宮漏沈沈  
清吹繁平明走馬絕馳道  
呼鷹挾彈通繚垣玉籠金鎖  
養黃口探雛取卵伴王孫  
分曹陸博快一擲迎歡先意  
笑語喧巧為柔媚學優孟  
儒衣嬉戲冠沐猿晚來香街  
經柳市行過倡舍宿桃根  
相逢杯酒一作酒後一言失迴朱點  
白聞至尊金張許史伺顏色  
王侯將相莫敢論豈知人  
事無定勢朝歡暮戚如掌翻  
椒房寵移子愛奪一夕秋  
風生戾園徒用黃金將買賦  
寧知白玉暗成痕持杯收

水水已覆徙薪避火火更燔欲求四老張丞相南山如  
天不可上

竹園風青苗發空曙

微風驚暮生臨牖思愁為歸門復動竹疑是故人來時  
滴枝上露清液皆下苔可割一水為夢象天笑

笑語宜巧有前規身修玉律

經柳市行過倡舍宿桃根相違將酒數

白聞至尊金張許史伺應色玉侯新杜美

天不下土朝歡暮戚如掌翻相房寵移子受

水水日靈封藻輿火火更歡燈束四未兼承

全唐詩

李益

竹窗聞風寄苗發司空曙

微風驚暮坐臨牖思悠哉開門復動竹疑是故人來時

滴枝上露稍沾一作沿堦下苔何當一入幌為拂綠琴埃

賦得垣衣

漠漠復霏霏為君垣上衣昭陽輦下草應笑此生非掩

藹一作垂露青春去一作暮蒼茫白露稀一作晞猶勝萍逐水流浪不

相依

送人流貶

漢章雖約法秦律已除名謗遠人多惑官微不自明霜

風先獨樹瘴雨失荒城  
疇昔長沙事三年召賈生

送人南歸

人言下江疾君道下江遲  
五月江路惡南風驚浪時  
應知近家喜還有異鄉悲  
無奈孤舟夕山歌聞竹枝

水亭夜坐賦得曉霧

月落寒霧起沈思  
浩通川宿禽轉木散  
山澤一蒼然  
漠漠沙上路一作鷺  
云云洲外田猶當  
依遠樹斷續欲窮天

送常曾侍御使西蕃寄題西川

涼王宮殿盡蕪沒  
隴雲西今日聞君使  
雄心逐鼓鼙行  
當收漢壘直可取  
蒲泥舊國無由到  
煩君下一作走馬題

入南山至全師蘭若



木隕一作落水歸壑寂然無念一作始心南行有真子被褐息山

陰石路瑤草散松門寒景深吾師亦何愛一作授自起定中

吟

送韓將軍還邊

白馬羽林兒揚鞭薄暮時獨將輕騎出暗與伏兵期雨  
雪移軍遠旌旗上壠遲聖心戎寄重未許讓恩私

晚春臥病喜振上人見訪

臥牀如一作殊舊日窺戶易傷春靈壽扶衰力芭蕉對病身

道心空寂寞時物自芳新旦夕誰相訪唯當攝一作作上人

春行

侍臣朝謁罷戚里自相過落日青絲騎春風白紵歌恩

承三殿近獵向五陵多歸路南橋望垂楊拂細波

洛陽河亭奉酬留守羣公追送

一作李逸詩

離亭餞落暉臘酒減春一作征衣歲晚煙霞重川寒雲樹微  
戎裝千里至舊路十年歸還似汀洲雁相逢又背飛

尋紀道士偶會諸叟

山陰尋

一作逢

道士暎竹羽衣新侍坐雙童子陪遊五老人

水花松下靜壇草雪中春見說桃源洞如今猶避秦

同蕭鍊師宿太乙廟

微月空山曙春祠謁少君落花壇上拂一作掃流水洞中聞

酒引芝童奠香餘桂子一作女焚鶴飛將羽節遙向赤城分

送同落第者東歸

東門有行客落日滿前山  
聖代誰知者滄洲今獨還  
片雲歸海暮流水背城閑  
余亦依嵩穎一作嶺松花深閉關

送柳判官赴振武

邊庭漢儀重旌甲似事作雲中虜地山川壯  
單于鼓角雄關寒塞榆落月白胡天風  
君逐嫖姚將麒麟有戰功

述懷寄衡州令狐相公

調元方翼聖軒蓋忽言東道以中樞  
密心將外理同白頭生遠浪丹葉下  
高楓江上蕭疎雨何人對謝公

喜入蘭陵望紫閣峯呈宣上人

薙草開三徑巢林喜一枝地寬留種竹  
泉淺欲開池紫閣當疎牖青松入壞籬  
從今安僻陋蕭相是吾師

喜見外弟又言別

十年離亂

一作亂離

後長大一相逢問姓驚初見稱名憶舊容

別來滄海事語罷暮天鐘明日巴陵道秋山又幾重

立春日寧州行營因賦朔風吹飛雪

邊聲日夜合朔風驚復來龍山不可望千里一裘回捐  
扇破誰執素紉輕欲裁非時妬桃李自是舞陽臺

獻劉濟

草綠古燕州鶯聲引獨遊雁歸天北畔春盡海西頭向  
日花偏落馳年水自流感恩知有地不上望京樓

哭柏巖禪師

遍與傍人別臨終盡不愁影堂誰為掃坐塔自看修白

鐘邊晚青苔鉢上秋天涯禪弟子空到柏巖遊

赴邠寧留別

身承漢飛將束髮即言兵俠少何相問從來事不平黃  
雲斷朔吹白雪擁沙城幸應邊書募橫戈會取名

紫騮馬

爭場看鬪雞白鼻紫騮嘶漳水春閨晚叢臺日向低歇  
鞍珠作汗試劒玉如一作泥為謝紅梁鷺年年妾獨棲

夜上受降城聞笛

一作戎  
昱詩

入夜思歸一作切笛聲清更哀愁人不願聽自到枕前來  
風起塞雲斷夜深關月開平明獨惆悵落一作盡一庭梅

同崔邠一作登鶴雀樓

鸛雀樓西

一作南一作前

百尺檣汀洲雲樹共茫茫漢家簫鼓空

流水魏國山河半夕陽事去千年猶恨速愁來一日即

為

一作知

長風煙

一作塵

併起

一作是

思歸

一作鄉

望遠目非春亦自傷

奉酬崔員外副使攜琴宿使院見示

忽聞此夜攜琴宿遂歎常時塵吏喧庭木已衰空月亮  
城砧自急對霜繁猶持副節留軍府未薦高詞直掖垣  
誰問南飛長繞樹官微同在謝公門

送賈校書東歸寄振上人

一作振上人院喜見賈弁兼酬別

北風吹雁數聲悲况指前林是別時秋草不堪頰送  
遠曰雲何處更相期山隨匹馬行看暮路入寒城獨去  
遲為向東州故人道江淹已擬惠休詩

過馬嵬二首

路至牆垣問樵者顧予云是太真宮太真血染馬蹄盡  
朱閣影隨天際空丹壑不聞歌吹夜玉堦唯有薜蘿風  
世人莫重霓裳曲曾致干戈是此中

金甲銀旌盡已回蒼茫羅袖隔風埃濃香猶自隨鸞輅

恨魄無由

一作

離馬嵬南內真人悲帳殿東溟方士問蓬萊

唯留坡畔鸞環月時送殘輝入夜臺

此首一作李遠詩

鹽州過胡兒飲馬泉

一作過北涼胡兒飲馬泉

綠楊著水草如煙舊是胡兒飲馬泉

鵝鴨泉在豐州城北胡人飲馬於此

幾處

吹笳明月夜何人倚劔白雲天從來凍合關山路今日

分流漢使前莫遣行人照容鬢恐驚憔悴入新年

宿馮翊夜雨贈主人

危心驚夜雨起望漫悠悠氣耿殘燈暗聲繁高樹秋涼  
軒辭夏扇風幌攬輕裯思緒蓬初斷歸期燕暫留關山  
藹已失臉淚迸難收賴君時一笑方能解四愁

送襄陽李尚書

天寒發梅柳憶昔到襄州樹暖然紅燭江清展碧油風  
煙臨峴首雲水接昭丘俗尚春秋學詞稱文選樓都門  
送旌節符竹領諸侯漢沔分戎寄黎元減聖憂時追山  
簡興本自習家流莫廢思康樂詩情滿沃洲

春日晉祠同聲會集得疎字韻

風壤瞻唐本山祠閱晉餘水亭開帝幕巖榭引簪裾地



綠苔猶少林黃柳尚疎菱苔生皎鏡金碧照澄虛翰苑  
聲何舊賓筵醉止初中州有遼雁好爲繫邊書

裡封表再赴渭北使府留別

結髮逐鳴輦連兵追谷蠡山川搜伏虜鎧甲被重犀故  
府旌旗在新軍羽校一作檄齊報恩身未死識路馬還嘶列  
嶂高峰舉當營太白低平戎七尺劍封檢一丸泥截海  
取一作收蒲類跑泉飲鷓鴣漢庭中選重更事五原西

送歸中丞使新羅冊立弔祭

一作李  
端詩

東望扶桑日何年是到時片帆通雨露積水隔華夷浩  
渺風來遠虛明鳥去遲長波靜雲月孤島宿旌旗別葉  
傳秋意迴潮動客思滄溟無舊路何處問前期

賦得路傍一株柳送邢校書赴延州使府

路傍一株柳此路向延州延州在何處此路起悠悠一作

邊愁

重贈邢校書

俱從四方事一作共會九秋中斷蓬與落葉相值各因風

照鏡

衰鬢朝臨鏡將看却一作自疑慙君明似月照我白如絲

書院無曆日以詩代書問路侍御六月大小

野性迷堯曆松窗有道經故人為柱史為我數堦莫

聞雞贈主人

膠膠司晨鳴報爾東方旭無事戀君軒今君重鳧鳴

登白樓見白鳥席上命鷓鴣辭

一鳥如霜雪飛向一作白樓前問君何以至天子太平年

石樓山見月一作宿青  
山石樓

紫塞連年戍黃砂磧路窮故人一作今夜宿見月石樓中

惜春傷同幕故人孟郎中一本有杜  
侍御三字兼呈去年看花

友

畏老身全一作老逢春解惜春今年看花伴已少去年人

嘉禾寺見亡友王七題壁

今日憶君處憶君君豈知空餘暗塵字讀罷淚仍垂

聽唱赤白桃花

赤白桃花先皇在時曲欲向西宮唱西宮宮樹綠

江南詞

一作曲

嫁得瞿塘賈朝朝，悞妾期早知潮。有信嫁與弄潮兒。

贈內兄盧綸

世故中年別，餘生此會同。却將悲一作愁與病來，一作獨對朗陵翁。

答竇二曹長留酒還榼

榼小非由一作圖，榼星郎是酒星。解醒元有數，不用嚇劉伶。

答廣宣供奉問蘭陵居

居北有朝路，居南無住人。勞師問家第，山色是南鄰。

乞寬禪師瘦山疊呈宣供奉

石色凝秋蘚，峰形若夏雲。誰留秦苑地，好贈杏溪君。

觀騎射

邊頭射鵰將走馬出中軍遠見平原上翻身向暮雲

幽州賦詩見意時佐劉慕

一作題太原洛漢驛西墩

征戍在桑乾年年薊水寒殷勤驛西路一作堆北一作此去一作路向

一作到長安

金谷園軍次陽城烽舍北流泉

何地可潛然陽城烽樹一作舍邊今朝望鄉客不飲北流泉

金吾子

繡帳博山鑪銀鞍馮子都黃昏莫攀折驚起欲栖烏

山鷓鴣詞

一本題上無山字

湘江斑竹枝錦翅鷓鴣飛處處湘雲合郎從何處歸

全唐詩  
立秋前一日覽鏡

萬事銷身外生涯在鏡中  
唯將滿鬢雪明日對秋風

代人乞花

繡戶朝眠起開簾滿地花  
春風解人意欲一作吹落妾西家

上洛橋

金谷園中柳春來似舞腰  
何堪好風景獨上洛陽橋

揚州懷古

故國歌鐘地長橋車馬塵  
彭城閣邊柳偏似不勝春

水宿聞雁

早雁忽為雙驚秋風水窗夜長人自起  
星月滿空江

揚州早雁

江上三千雁年年過故宮可憐江上月偏照斷根蓬

一本有樓

話舊全一作應老逢春喜又悲看花行拭淚倍覺下樓

遲

度破訥沙二首一作塞北行

眼見風來沙旋移經年不省草生時莫言一作無端塞北無春

到一作色總有春來何處知

破訥沙頭雁正飛鷓鴣泉上戰初歸平明日出東南地

滿磧寒光生鐵衣

拂雲堆

漢將新從虜地來旌旗半一作送上拂雲堆單于每一作馬近一作向

沙場獵南望陰山一作山陰哭始回

中橋北送穆質兄弟應制戲贈蕭二策

洛水橋邊雁影疎陸機兄弟駐行車欲陳漢帝登封草  
猶待蕭郎寄內書

九月十日雨中過張伯佳一作雄期柳鎮一作雄未至以

詩招之

柳吳興近無消息張長公貧苦寂寥唯有角巾霑雨至  
手持殘菊向西招

汴河曲

汴水東流無限春隋家宮闕一作苑已一作盡成塵行人莫上長

堤望風一作吹起楊花愁殺人可憐一作可憐上土且一作且無憐一作憐



塞下曲

蕃州部落能結束朝暮

一作朝

馳獵黃河曲燕歌未斷塞鴻

飛牧馬羣嘶邊草綠

秦築長城城已摧漢武北上單于臺古來征戰虜不盡

今日還復天兵來

黃河東流流九折沙場埋恨何時絕蔡琰沒去造胡笳

蘇武歸來持漢節

為報如今都護雄匈奴且莫下雲中請書塞北陰山石

願比燕然車騎功

一本台作一首

夜上西城聽梁州曲二首

行人夜上西城宿聽唱梁州雙筦逐此時秋月滿關山

何處關山無此曲

鴻雁新從北地來聞聲一半却飛回金一作交河戍客一作辛腸

應斷更在秋風百尺臺

暖川一作征人歌

胡風凍合鷓鴣泉牧馬千羣逐一作浴暖川塞外征行一作人無

盡日年年移帳雪中天

過馬嵬

漢將如雲不直言寇來翻罪綺羅恩託君休一作莫洗蓮花  
血留記千年妾淚痕

答許五端公馬上口號

晚逐旌旗俱白首少遊京洛共緇塵不堪身外悲前事

強向杯中覓舊春

牡丹

一作詠牡丹  
贈從兄正封

紫蕊作艷作叢開未到家  
却教遊客賞繁華  
始知年少求名處  
滿眼空中別有花

邊思

腰懸錦帶佩吳鉤  
走馬曾防玉塞秋  
莫笑關西將家子

祇將詩思入涼州

奉和武相公春曉聞鶯

一作蜀  
川聞鶯

蜀道山川心易驚  
一作西道山  
川意綠窗殘夢曉  
聞鶯分明似一作

寫一作雪文君恨萬怨  
千愁弦上聲

送客還幽州

惆悵秦城送獨歸  
薊門雲樹遠依依  
秋來一作空莫射南飛

雁從一作縱遣乘春更北飛

柳楊送客一作揚州萬里送客

青楓江畔白蘋洲  
楚客傷離不待秋  
君見隋朝更何事

柳楊一作津南渡水悠悠

從軍北征

天山雪後海風寒  
橫笛偏吹行路難  
磧裏征人三十萬

一時回向一作首月明一作中看

聽曉一作鳴角

邊霜昨夜墮關榆一作繁霜  
吹角當城漢一作片月孤無限一作數

塞鴻飛不度  
秋風卷一作吹入小單于

宮怨

露溼晴花春

一作宮

殿香月明歌吹在昭陽似將海水添宮

漏共滴

一作作

長門一夜長

暮過回樂烽

烽火高飛百尺臺黃昏遙自

見一作

磧西

一作

來昔時征戰回

應樂今日從軍樂未回

日日塞國入高心更長

奉和武相公郊居寓目

黃扉晚下禁垣鐘歸坐南闌山萬重獨有月中高興盡

雪峯明處見寒松

詣紅樓院尋廣宣不遇留題

柿葉翻紅霜景秋碧天如水倚紅樓隔窗愛竹無人問

遣向隣房覓戶鉤

回軍行

關城榆葉早疎黃日暮沙雲古戰場表請回軍掩塵骨  
莫教士卒哭龍荒

邠寧春日

桃李年年上國新風沙日日塞垣人傷心更見庭前柳  
忽有千條欲占春

古瑟怨

破瑟悲秋已減弦相靈沈怨不知年感君拂拭遺音在  
更奏新聲明月天  
夜宴觀石將軍舞

微月東南上戍樓琵琶起舞錦纏頭更聞橫笛關山遠  
白草胡沙西塞秋

春夜聞笛

寒山吹笛喚春歸遷客相看一作逢淚滿衣洞庭一夜無窮  
雁不待天明盡北飛

揚州送客

一本題下有聞笛二字

南行直入鷓鴣羣萬歲橋邊一送君一作望鄉聞  
不得梅花暗落嶺頭雲

統漢峰

一作峰下 一作過降戶 至統漢峰

統漢峰一作峰西降戶營黃河戰一作沙白骨擁長城只今已勒燕

然石北一作此地無人空月明

避暑女冠

霧袖煙裾雲母冠碧琉璃

一作花瑤

簾井冰寒焚香欲使

一作降三

清

一作青

鳥靜拂

一作掃

桐陰上玉壇

行舟

柳花飛

一作吹

入正行舟臥引菱花信碧流聞道風光滿揚

子天晴共上望鄉樓

隋宮燕

燕語如傷舊國春宮花

一作旋

落已成塵自從一閉風光

後幾度飛來不見人

送人歸岳陽

煙草連天楓樹齊岳陽歸路子規啼春江萬里巴陵戍



落日看沈碧水西

上汝州郡樓

黃昏鼓角似邊州三十年前上此樓今日山城一作對垂對垂  
淚傷心不獨為悲秋

臨滹沱見蕃使列名

漠南春色到滹沱碧柳青青塞草多萬里關山今不閉  
漢家頻許郅支和

寫情

水紋珍簾思悠悠千里佳期一夕休從此無心愛良夜  
任他明月下西樓

夜上受降城聞笛

回樂峰一作峰前沙似雪受降城下一作上月如霜不知何處

吹蘆管一作笛一夜征人盡望鄉

赴渭北宿石泉驛南望黃堆烽

邊城已在虜城中烽火南飛入漢宮漢庭議事先黃老

麟閣何人定戰功

逢歸信偶寄

無事將心寄柳條等閑書字滿芭蕉鄉關若有東流信

遠送揚州近驛橋

贈毛仙翁

玉樹溶溶仙氣深含光混俗似無心長愁忽作鶴飛去

一片孤雲何處尋

長干行

黃魯直云李白集中長干行二篇其後篇乃李益所作胡震亨從之增入詩集

憶妾深閨裏煙塵不曾識嫁與長干人沙頭候風色  
月南風興思君下巴陵八月西風起想君發揚子去來  
悲如何見少離別多湘潭幾日到妾夢越風波昨夜狂  
風度吹折江頭樹渺渺暗無邊行人在何處好乘浮雲  
驄佳期蘭渚東鴛鴦綠浦上翡翠錦屏中自憐十五餘  
顏色桃花紅那作商人婦愁水復愁風

和丘員外題湛長史舊居

昔降英王顧屏身幽巖曲靈波結繁笳爽籟赴鳴玉  
運轉春華至歲來山草綠青松掩落暉白雲竟空谷  
伊人撫遺歎惻惻若又縟云誰敷美香分毫寄明牧

送客歸振武

駿馬事輕車軍行萬里沙胡山通盟落漢節繞渾邪桂  
滿天西月蘆吹塞北笳別離俱報主路極不為賒

府試古鏡

舊是秦時鏡今藏古匣中龍盤初挂月鳳舞欲生風石  
黛曾留殿朱光適在宮應祥知道秦鑑物覺神通肝膽  
誠難隱妍媸信易窮幸居君子室長願免塵蒙

贈宣大師

一國沙彌獨解詩人人道勝惠林師先皇詔下徵還日  
今上龍飛入內時看月憶來松寺宿尋花思作杏溪期  
因論佛地求心地祇說常吟是住持

漢宮詞一作韓

漢室

柳集作家在

長陵小市東

柳集作中

珠簾繡戶對春風  
君王昨日移

仙仗玉輦將迎入漢中

柳集作宮

江南曲

一作韓柳詩

長樂花枝雨點銷  
江城日暮好相邀  
春樓不閉歲徒鎖

綠水回連宛轉橋

宿石邑山中

浮雲不共此山齊  
山靄蒼蒼望轉迷  
曉月暫飛高樹裏

秋河隔在數峯西

寄贈衡州楊使君

湘竹斑斑湘水春  
衡陽太守虎符新  
朝來笑向歸鴻道

早晚南飛見主人

途中寄李二

一作戎  
昱詩

楊柳含煙灞岸春  
年年攀折為行人  
好風若借低枝便  
莫遣青絲掃路塵

寄許鍊師

一作戎  
昱詩

掃石焚香禮碧空  
露華偏溼蕊珠宮  
如何說得天壇上  
萬里無雲月在中

失題

此盧綸詩題作赴  
澧州留別故人

世故相逢各未閑  
百年多在別離間  
昨夜秋風今夜雨  
不知何處入空山

塞下曲

伏波惟願累尸還定遠何須生入關莫遣隻輪歸海窟  
仍留一箭射天山

李端字上黃堆烽人大曆五年進士與盧綸吉中孚韓

心期紫閣山中月身過黃堆烽上雲年髮已從書劒老  
戎衣更逐霍將軍

峻第賦詩冠其坐客初授校書郎後  
移疾江句

閑庭草色能留馬當路楊花不避人

見張為  
主客圖

問我草會指留黑當說卦不經入

主容圖

掃石初台

世碧心 靈華倫澤志珠宮如何說得大耳

疾亦更逐審誅軍

心賦紫閣山中月良豈黃批批土零平邊已終書險步

世故相土黃批批

百年多在別離間昨夜秋風今夜

外留一齋像天山

外此辨醜界只還空教何能主人關莫說雙舖歸我處



全唐詩

李端

李端字正己趙郡人大曆五年進士與盧綸吉中孚韓  
翃錢起司空曙苗發崔峒耿漳夏侯審唱和號大曆十  
才子嘗客駙馬郭曖第賦詩冠其坐客初授校書郎後  
移疾江南官杭州司馬卒集三卷今編詩三卷

古別離二首

水國葉黃時洞庭霜落夜行舟聞一作商估宿在楓林下

此地送君還茫茫似夢間後期知幾日前路轉多山巫

峽通湘浦迢迢隔雲雨天晴見海檣一作橋月落聞津鼓

人老自多愁水深難急流清宵歌一曲白首對汀洲

與君桂陽別令君岳陽待後事忽差池前期日空在木  
落雁嗷嗷洞庭波浪高遠山雲似蓋極浦樹如臺朝發  
能幾里暮來風又起如何兩處愁皆在孤舟裏昨夜犬  
月明長川寒且清菊花開欲盡薺菜泊來生下江帆勢  
速五兩遙相逐欲問去時人知投何處宿空令猿嘯時  
應對湘簾

一作竹潭

折楊柳

一作折楊柳送別

東城攀柳葉柳葉低着草少壯莫輕年輕年有衰老柳  
發遍川岡登高堪斷腸雨煙輕漠漠何樹近君鄉贈君  
折楊柳顏色豈能久上客莫沾巾佳人正回首新柳送  
君行古柳傷君情突兀臨荒渡婆娑出舊營隋家兩岸

盡陶宅五株榮

一作平

日暮偏愁望春山有鳥聲

一本截後八句為五律

留別柳中庸

惆悵流水時蕭條背城路離人出古亭嘶馬入寒樹江

海正風波相逢

一作蓬

在

一作向何處

野亭三韻送錢員外

野菊開欲稀寒泉流漸淺

一作緩

幽人步林後歎此年華晚

倚杖送行雲尋思故山遠

歸山招王逵

日長原野靜杖策步幽巘雉雠麥苗陰蝶飛溪草晚我

生好閒放此去殊未返自是君不來非關故山遠

過谷口元贊善所居

一作贈池陽谷口

入谷訪君來秋泉已堪涉林間人獨坐月下山相接重  
露濕蒼苔明燈照黃一作紅葉故交一一不見素髮何稠疊

旅次岐山得山友書却寄鳳翔張尹

本與戴微君同師竹上坐偶爲名利引久廢論真果昨  
日山信迴寄書來責我

九日贈司空文明

我有惆悵詞待君醉時說長來逢九日難與菊花別摘  
却正開花誓言花未發

蕪城

昔人登此地丘隴已前悲今日又非昔春風能幾時風  
吹城上樹草沒城邊路城裏月明時精靈白來去

洪邁取後四句

爲絕句

送吉中孚拜官歸楚州

才子神骨清虛疎疎一作疎看眼明貌應同衛玠鬢且異潘生

初戴莓苔幘來過丞相宅滿堂歸道師衆口宗詩伯須

吏里巷傳天子亦知賢出詔升高士馳聲在少年自爲

才哲發日與侯王會匡主一言中榮親千里外更聞仙

士友往往東海首驅石不成羊指一作指丹空斃狗孤帆淮

上歸商估夜相依海霧寒將盡天星曉欲稀潮頭來始

歇浦口喧爭發鄉樹尚和雲鄰船猶帶月到洞必傷情

巡房見舊名醮疎壇路澀汲少井欄傾別我長安道前

期共須老方隨水向山肯惜花辭島悵望執君衣今朝

風景好

荊州泊

南樓西下時月裡聞來棹桂水舳艫迴一作還荊州津濟開

移帷望一作掩星漢引帶思容貌今夜一江人唯應妾身覺

春遊樂一作曲

遊童蘇合彈一作帶倡女蒲葵扇初日映城時相思忽相見

褰裳蹋路草理鬢回花面薄暮不同歸留情此芳甸

千里思

涼州風月美遙望居延路汎汎下天雲青青緣塞樹燕

山蘇武上海島田橫住更是草生時行人出門去

白鷺詠

迴起來應近高飛去自遙映林同落雪拂水狀翻潮猶  
有幽人興相逢到碧霄

冬夜與故友聚送吉校書

途窮別則怨何必天涯去共作出門人不見歸鄉路殷  
勤執杯酒悵望送親故月色入闕軒風聲落高樹雲霄  
望且遠齒髮行應暮九日泣黃花三秋悲白露君行過  
洛陽莫向青山度

與苗員外山

一作出行

古人畱路去今日共君行若待青山盡應逢白髮生誰  
知到蘭若流落一書名

早春同庾侍郎題青龍上方院

相見惜餘輝齊行登古寺風煙結遠恨山水含芳意車  
馬莫前歸畱看巢鶴至

送從叔赴洪州

榮家兼佐幕叔父似還鄉王粲名雖重郗超髯未長鳴  
撓過夏口斂笏見潯陽後夜相思處中庭月一方

送路司諫侍從叔赴洪州

郗超本絕倫得意在芳春勲業耿家盛風流荀氏均聲  
名金作賦白晷玉爲身斂笏辭天子乘龜從丈人度關  
行且獵鞍馬何躑躅猿嘯暮應愁湖流春好涉潯陽水  
分送于越山相接梅雨細如絲蒲帆輕似葉逢風鷺不  
定值石波先疊樓見遠公廬船經徐穉業邑人多秉筆



州吏亦負笈村女解收魚津童能用檝唯我有荆扉無  
成未得歸見君兄弟出今日自霑衣

病後遊青龍寺

病來形貌穢齋沐入東林境靜聞神遠身羸向道深  
芭蕉高自折荷葉大先沈

夜尋司空文明逢深上人因寄晉侍御

鶴裘筇竹杖語笑過林中正是月明夜陶家見遠公自  
嫌山客務不與漢官同

長安書事寄薛戴

朔雁去成行哀蟬響如昨時芳一憔悴暮序何蕭索笑  
語且無聊逢迎多約略三山不可見百歲空揮霍故事

盡爲愁新知無復樂夫君又離別而我加寂寞惠遠縱  
相尋陶潛祇獨酌主人恩則厚客子才自薄委曲見提  
攜因循成蹇剝論邊書未上招隱詩還作貴者已朝餐  
豈能敦宿諾飛禽雖失樹流水長思壑千里寄瓊枝夢  
寐青山郭

鮮于少府宅看花

謝家能植藥萬簇相縈倚爛熳綠苔前嬋娟青草裏垂  
欄復照戶映竹仍臨水驟雨發芳香迴風舒錦綺孤光  
雜一作新故衆色更重累散碧出疎莖分黃成細蘂游蜂  
高一作更下驚蝶坐還起玉貌對應慙霞標一作方不似春陰  
憐弱蔓夏日同短晷迴落報一作榮衰交關關紅紫花時

苟未賞老至誰能止上客屢移牀幽僧勞憑几初合雖  
薄劣却得陪君子敢問賢主人何如種桃李

慈恩寺懷舊

并序

余去夏五月與耿漳司空文明吉中孚同陪故考  
功王負外來游此寺負外相國之子雅有才稱遂  
賦五物俾君子射而歌之其一曰凌霄花公寔賦  
焉因次諸屋壁以識其會今夏又與二三子游集  
于斯流涕語舊旣而攜手入院值凌霄更花遺文  
在目良友逝矣傷心如何陸機所謂同宴一室蓋  
痛此也觀者必不以秩位不侔則契分曾一作甚厚詞  
理不至則悲哀在中因賦首篇故書之

去者不可憶舊遊相見時凌霄徒更發非是看花期倚  
玉交文友登龍年月久東閣許聯牀西郊亦攜手彼蒼  
何曖昧薄劣翻居後重入遠師谿誰嘗陶令酒伊昔會  
禪宮容輝在眼中籃輿來問道玉柄解談空孔席亡顏  
子僧堂失謝公遺文一書壁新竹再移叢始聚終成散  
朝歡暮不同春霞方照日夜燭忽迎風蟻鬪聲猶在鴉  
災道已窮問天應默默歸宅太匆匆悽其履還路莽蒼  
雲林暮九陌似無人五陵空有霧緬懷山陽笛永恨平  
原賦錯莫過門欄分明識行路上智本全真郝公况重  
臣唯應撫靈運暫是憶嘉賓存信松猶小緘哀草尚新  
鯉庭埋玉樹那忍見門人

贈薛戴

曉霧

一作露

忽為霜寒蟬還罷響行人在長道日暮多歸想

射策本何功名登絳帳中遂矜丘室重不料阮途窮交  
結慙時輩龍鍾似老翁機非鄙夫正懶是平生性欵枕  
鴻雁高閉關花藥盛厨煙當雨絕階竹連窗暝欲賦苦  
饑行無如消渴病舊業歷胡塵荒原少四鄰田園空有  
處兄弟未成人毛義心長苦袁安家轉貧今呈曾臆事  
當為淚沾巾

東門送客

綠楊新草路白髮故鄉人既壯還應老遊梁復滯秦逢  
花莫漫折能有幾多春

送韓紳卿

春雨昨開花秋霜忽霑草榮枯催日夕去住皆須老君  
望漢家原高墳漸成道

襄陽曲

襄陽堤路長草碧柳枝黃誰家女兒臨夜妝紅羅帳裏  
有燈光雀釵翠羽動明璫欲出不出脂粉香同居女伴  
正衣裳中庭寒月白如霜賈生十八稱才子空得門前  
一斷腸

胡騰兒

一作歌

胡騰身是涼州兒肌膚如玉鼻如錐桐布輕衫前後卷  
葡萄長帶一邊垂帳前跪作本音語拾一作拈襟攪一作擺袖爲

君舞安西舊牧收淚看洛下詞人抄曲與揚看動日踏  
花繒紅汗交流珠帽偏醉却東傾又西倒雙靴柔弱滿  
燈前環行急蹴皆應節反手叉腰如却月絲桐忽奏一  
曲終嗚嗚畫角城頭發胡騰兒胡騰兒故鄉路斷知不  
知

贈康洽

黃鬚康兄酒泉客平生出入王侯宅今朝醉臥又明朝  
忽憶故鄉頭已白流年恍惚瞻西日陳事蒼茫指南陌  
聲名恒壓鮑參軍班位不過揚執戟邇來七十遂無機  
空是咸陽一布衣後輩輕肥賤衰朽五侯門館許因依  
自言萬物有移改始信桑田變成海同時獻賦人皆盡

共壁題詩君獨在步出東城風景和青山滿眼少年多  
漢家尚壯今則老髮短心長知奈何華堂舉杯白日晚  
龍鍾相見誰能免君今已反我正來朱顏宜笑能幾回  
借問朦朧花樹下誰家畚插築高臺

瘦馬行

歲傍牧馬驅未過一馬徘徊起還臥  
眼中有淚皮有瘡骨毛焦瘦令人傷  
朝朝放在兒童手誰覺舉頭看故鄉  
往時漢地相馳逐如雨如風過平陸  
豈意今朝驅不前蚊蚋滿身泥上腹  
路人識是名馬兒一作衰疇昔三軍不得  
騎玉勒金鞍既已遠一作過追奔獲獸有誰知  
終身櫪上食君草遂與駑駘一時老  
儻借長鳴隴上風猶期一戰安



西道

雜一作歌呈鄭錫司空文明

昨宵夢到亡何鄉忽見一人山之陽高冠長劍立石堂  
鬢蒼颯爽瞳子方胡麻作飯瓊作漿素書一帙在柏牀  
啖我還丹拍我背令一作我延年在人代乃書數字與我  
持小兒歸去須讀之覺來知是虛無事山中雪平雲覆  
地東嶺啼猿三四聲捲簾一望心堪碎蓬萊有梯不可  
躡向海回頭淚盈睫且聞童子是蒼蠅誰謂莊生異蝴  
蝶學仙去來辭故人長安道路多風塵

雜歌

漢水至清泥則濁松枝至堅蘿則弱十三女見事他家

顏色如花終索寞蘭生當門燕巢幙蘭芽未吐燕泥落  
爲姑偏忌諸嫂良作婦翻嫌壻家惡人生照鏡須自知  
無鹽何用妬西施秦庭野鹿忽爲馬巧僞亂真君試思  
伯奇掇蜂賢父逐曾參殺人慈母疑酒沽干日人不醉  
琴弄一絃心已悲常聞善交無爾汝讒口甚甘良藥苦  
山雞錦翼豈鳳凰隴鳥人言止鸚鵡向榻非才徒隱竈  
田文有命那關戶犀燭江行見鬼神木人登席呈歌舞  
樂生東去一作終居趙陽虎北轅翻適楚世間反覆不易  
陳絨此貽君淚如雨

鳥栖曲

白馬逐朱

一作牛

車黃昏入狹斜斜柳樹烏爭宿爭枝未

得飛上屋東房少婦壻從軍每聽烏啼知夜分

送客東歸

昨夜東風吹盡雪兩京路上梅花發行人相見便東西  
日暮溪頭飲馬別把君衫袖望垂楊兩行淚下思故鄉

王敬伯歌

妾本舟中女聞君江上琴君初感妾意一作歎妾亦感君心

遂出合歡被同爲交頸禽傳杯唯畏淺接膝猶嫌遠侍  
婢奏箜篌女郎歌宛轉宛轉怨如何中庭霜漸多霜多  
葉可惜昨日非今夕徒結萬重歡終成一宵客王敬伯  
綠水青山從此隔

東西商救生寺望春寄暢當

東西南北望望遠悲潛蓄紅黃綠紫花花開看不足今年與子少相隨他年與子老相逐

荆門

一本此下有雨字

歌送兄赴夔州

余兄佐郡經西楚餞行因賦荆門雨霹靂變聲漸緜浦裏人家收市喧重陰大點過欲盡碎浪柔文相與翻雲間悵望荆衡路萬里青山一時暮琵琶寺裏響空廊熨斗陂前濕荒戍沙尾長檣發漸稀竹竿草屨涉流歸夷陵已遠一作遠半成燒漢上游倡始濯衣船門相對多商估葛服龍鍾篷下語自是湘州石鷺飛那關齊地商羊舞曾為江客念江行腸斷秋荷雨打聲摩天古木不可見住岳高僧空得名今朝拜首臨欲別遙憶荆門雨中

發唐詩

李端妾薄命

憶妾初嫁君花髮如綠雲迴燈入綺帳轉面脫羅裙折  
步教人學偷香與客熏容顏南國重名字北方聞一從  
失恩意轉覺身顛顛對鏡不梳頭倚窗空落淚新人莫  
恃新秋至會無春從來閉在長門者必是宮中第一人

雁塞日初晴狐一作關雪復一作平危樓一作緣廣漢古實傍

長城拂劍金星出彎弧玉羽鳴一作誰知係虜者賈誼是

書生洪諤取前四句為絕句

荆門

有兩矣

歌送兄赴夔州

余又佐郡經西楚，餞行因賦荆門雨。  
霹靂變變聲漸繁，浦裏人家收市喧。  
重陰大點過欲盡，碎浪飛文相與翻。

料滌煉至會無春筭，來開五身門。  
峯岷長宮中懷策一入

夫恩意轉覺良醺醉，捷發不赫醜商空。  
啓幾滌入莫

走姦入學偷香與，客熏容醜南風重。  
各字北衣聞一

剗箋咏教兵莽變，吹竊雲匪登人。  
爲舞舞面

舞曾爲妾萬命，江行腸斷秋聲。  
打聲摩天古木不可

幾但兵高僧空得名，今朝拜首臨欲別。  
連憶荆門雨

全唐詩

李端

關山月 鷓鴣 關山月 鷓鴣 關山月 鷓鴣

露濕月蒼蒼  
關頭榆葉黃  
迴輪照海遠  
分彩上樓長  
水凍頻移幕  
兵疲數望鄉  
只應城影外  
萬里共胡霜

度關山

雁塞日初晴  
孤一作關雪復平  
危樓一作緣廣漠  
古竇傍

長城拂劍金星出  
彎弧玉羽鳴一作誰知係虜者  
賈誼是

書生洪邁取前四句為絕句

巫山高一作巫山尚和皇甫拾遺

巫山十二峯一作皆在碧虛中  
迴合雲藏月一作霏微雨帶

風猿聲寒過澗一作度水樹色暮連空愁向高唐望清秋見楚

宮

雨雪曲

天山一丈雪雜兩夜霏霏濕馬胡歌亂經烽漢火微丁

零蘇武別一作住疎勒范羌歸若看一作著關頭下一作過長榆葉定

稀

春遊樂

柘彈連錢馬銀鈎妥一作倭墮鬟摘桑春陌上踏草夕陽間

意合辭先露心誠貌却閒明朝若相憶雲雨出巫山

山下泉

碧水映丹霞濺濺度淺沙暗通山下草流出洞中花淨



色和雲落喧聲遶石斜明朝更尋去應到阮一作劉郎家

送客赴洪州

一作送鄭侍御

草色隨驄馬悠悠共出秦水傳雲夢曉山接洞庭春帆影連三峽猿聲在四鄰青門一分手難見杜陵人

與鄭錫遊春

東門垂柳長迴首獨心傷日煖臨芳草天晴憶故鄉暝花鸞上下過水蝶飛揚借問同行客今朝淚幾行

送友人

一作送友人南遊

聞說湘川路年年古木一作帶古多猿啼巫峽夜月照洞庭波窮海人還去孤城雁與過青山不同賞一作不可到來往自蹉跎

跎

全唐詩  
題從叔沆林園

阮宅閒園暮窗中見樹陰樵歌依遠草僧語過長林鳥  
啾一作花間曲一作人彈竹裏琴自嫌身未老已有住山心

送少微上人入一作遊蜀

削髮本求道何方不是歸松風開法席一作江蓮一作月濯禪  
衣飛閣蟬鳴早漫天客過稀戴顓常執筆不覺此身非

雨後遊輞川

驟雨歸山盡頽陽入輞川看虹登晚墅踏石過春泉紫  
葛藏仙井黃花出野田自知無路去迴步就人煙

同皇甫侍御題惟一上人房

焚香居一室盡日見空林得道輕年暮安禪愛夜深東

西皆是夢存沒豈關心唯羨諸童子持經在竹陰

同苗

一作

員外宿薦福寺僧舍

潘安秋興動涼夜宿僧房倚杖雲離月垂簾竹有霜迴  
風生一作遠逕落葉颯長廊一與交親會空貽別後傷

送客往

一作

湘江

識君年已老孤棹向瀟湘素髮臨高鏡清晨入遠鄉三  
山分夏口五兩映涪陽更逐巴東一作客南行淡幾行

送友人遊蜀

嘉陵天氣好百里見雙流帆影綠巴字一作鐘聲出漢州  
綠原春草晚青木暮猿愁本是風流地遊人易白頭

送友人遊江東

江上花開盡南行見杪一作窺春鳥聲悲古木雲影入通津  
返景斜連草迴潮暗動蘋謝公今在郡應喜得詩人

送樂平苗明府得家字

本自求彭澤誰云道里賒山從石一作古壁斷江向弋陽斜

暮一作草色隨楓樹陰雲暗荻花諸侯舊調鼎應重宰臣家

過宋州

睢陽陷虜日外絕救兵來世亂忠臣死時清明主哀荒  
郊春草徧故壘野花開欲爲將軍哭東流水不迴

茂陵山行陪韋金部一作招金部韋員外

宿雨朝來歇空山秋氣清盤雲雙鶴下隔水一蟬鳴古  
道黃花落平蕪赤燒生茂陵雖有病猶得伴君行

江上逢司空曙

一作岳陽逢司空  
文明得關中書

共爾

一作有

髻年故相逢萬里餘新春兩行淚故

一作舊

國一封

書夏口帆初落

一作泊

涔

一作涔

陽雁正

一作已

疎唯當執杯酒

食漢江魚

襄陽耆舊傳漢  
水中有魚甚美

逢王泌自東京至

逢君自鄉至雪涕問田園幾處生喬木誰家在舊村山

峰橫二室水色映千門愁見游從處如今花正繁

山中期吉中孚

行人路不同花落到山中水暗蒹葭霧月明楊柳風年

華驚已擲志業颯然空何必龍鍾後方期事遠公

酬前大理寺評事張芬

君家舊林壑寄在亂峰西近日春雲滿相思路亦迷聞  
鐘投野寺待月過前溪悵望成幽夢依依識故蹊

賦得山泉送房造

泉水山邊去高人月下看潤松秋色淨落澗夜聲寒委  
曲穿深竹潺湲過遠一作淺灘聖朝無隱者早晚罷漁竿

宿興善寺後堂池

一本無堂字

草堂高樹下月向後池生野客如一作同僧靜一作坐新荷共水

平錦鱗沉不食繡羽亂相鳴即事思江海誰能萬里行

憶皎然上人

未得從師去人間萬事勞雲門不可見山木已應高向  
日開柴戶驚秋問敝袍何由宿峰頂窗裏望波濤

贈衡岳隱禪師

舊住衡州寺隨緣偶北來夜禪一作寒山雪下朝汲竹門開

半偈傳初一作空盡羣生意未迴唯當與樵者杖錫入天台

雲陽觀一作宿華陽洞寄袁稠一作元陽觀寄元稱

花洞晚陰陰一作滿沉沉仙壇隔杏林漱泉春谷冷擣藥夜窗

深石上開仙酌松間對玉琴戴家溪北住雪後去相尋

晚遊東田寄司空曙

暮來思遠客獨立在東田片雨一作影無妨景一作雨殘虹不映

天別愁逢夏果歸興入秋蟬莫作墮官意陶潛一作公未必

賢

題崔端公園林

上士愛清輝開門向翠微抱琴看鶴去枕石待雲歸野  
坐苔生席高眠竹挂衣舊山東望遠惆悵暮花飛

早春雪夜寄盧綸兼呈秘書元丞

聞君隨謝眺春夜宿前川

一作山前

看竹雲垂地

一作嶺

尋僧月滿

田一作雪

熊寒方入樹魚樂稍離船獨夜羈愁客惟知惜

故一作暮年

早春夜集耿拾遺宅

如何逋客會忽在侍臣家新草猶停雪寒梅未放花銜

杯雞欲唱逗月雁應斜年齒俱憔悴誰堪故國賒

元丞宅送胡濬及第東歸覲省

登龍兼折桂歸去當

一作賞

高車

一作居

舊楚楓猶在前隋柳已



疎月中逢海客浪裏得鄉書見說江邊住知君不厭魚  
送魏廣下第歸揚州寧親

遊宦今空返浮淮一雁秋白雲陰澤國青草遶揚州  
調膳過花下張筵到水頭崑山仍有玉歲晏莫淹留

歸山與酒徒

一作友人別

野客本無事此來非有求煩君徵樂餞一作未免憶山愁  
紅燭侵明月青娥促白頭童心久已盡豈為豔歌留

冬夜寄韓

一作韓

一作秋夜寄

獨坐知霜下開門見木衰壯應隨日去老豈與人期廢  
井蟲鳴早陰階菊發遲興來空憶戴不似剡溪時

聞吉道士還俗因而有贈

聞有華陽客儒裳謁紫微舊山連藥賣孤鶴帶雲歸柳  
市名猶在桃源夢已稀還鄉見鷗鳥應愧背船飛

韋員外東齋看花

入花凡幾步此樹獨相一作將留發豔紅枝合垂煙綠水幽

併開偏覺好未落已成一作看愁一到芳菲下空招一作胎兩鬢

秋

邊頭作

郊郊泉脉動落日上城樓羊馬水草足羌胡帳幕稠射

鵬過海岸傳一作殘箭怯一作習邊州何事歸朝將今年又拜侯

宿深上人院聽遠泉

泉聲宜遠聽入夜對支公斷續來方盡潺湲咽又通何

年出石下幾里在山中君一作若問窮源處禪心與此同

茂陵村行贈何兆

春天黃鳥轉野逕白雲閒解帶依芳草支頤想故山人  
行九州路樹老五陵間誰道臨邛遠相如自憶還

送友人還洛

去國渡關河蟬鳴古樹多平原正趨忽行子復蹉跎去  
事不可想舊遊難再過何當嵩岳下相見在煙蘿

送戴徵士還山

柔柔錦臆雉相送到煙霞獨隱空山裏閉門幾樹花草  
生楊柳岸鳥轉竹林家不是謀生拙無爲末路賒

一作肥  
臨趨然

沈憂游  
興味賒

秋日旅舍別司空文明

涼風颯窮巷秋思滿高一作同雲吏隱俱不就此心仍別君

素懷宗淡泊羈旅念功勳轉憶西林寺江聲月下聞

旅舍對雪贈考功王員外

楊花驚滿路麩市忽狂風驟下搖蘭葉輕飛集竹叢欲  
將瓊樹比不共玉人同獨望微之棹青山在雪中

送丁少府往唐上

因君灞陵別故國一迴看共食田文飯先之梅福官江  
風轉一作薄日暮山月滿潮寒不得同舟望淹留歲月闌

贈李龜年

青春事漢主白首入秦城遍識才人字一作時人號多知舊曲

名風流隨故事語笑合新聲獨有垂楊樹偏傷日暮情  
送郭補闕歸江陽

東門春尚淺楊柳未成陰雁影愁斜日鶯聲怨故林隋  
宮江上遠梁苑雪中深獨有懷歸客難爲欲別心

早春會王逵主人得蓬字

今年華鬢色半在故人中欲寫無窮恨先期一醉同綠  
叢猶覆雪紅萼已凋風莫負歸山契君看陌上蓬

宿山寺思歸

僧房秋雨歇愁臥夜更深欹枕聞鴻雁迴燈見竹林歸  
螢入草盡落月映窗沉拭淚無人覺長謠向壁陰

送客赴江陵寄郢州郎士元

露下晚蟬愁詩人舊怨秋沅湘莫畱滯宛洛好遨遊飲  
馬逢黃菊離家值白頭竟陵明月夜爲上庾公樓

送客賦得巴江夜猿

巴水天邊路啼猿傷客情遲遲雲外盡杳杳樹中生殘  
月暗將落空霜寒欲明楚人皆掩淚聞到第三聲

秋日憶曠上人

一從持鉢別更未到人間好靜居貧寺遺名棄近山雨  
前縫百衲葉下閉重關若便潯陽去須將舊客還

寄上舍人叔

車馬朝初下看山憶獨尋會知逢水盡且愛入雲深殘  
雨開斜日新蟬發迴林阮咸雖別巷遙識此時心

送古之奇赴安西幕

疇昔十年兄相逢五校營今宵舉杯酒隴月見軍城埃  
火經陰絕邊人接曉行殷勤送書記強虜幾時平

送張芬歸江東兼寄柳中庸

久是天涯客偏傷落木時如何故國見更欲異鄉期鳥  
暮東西急波寒上下遲空將滿眼淚千里怨相思

送丘丹歸江東

故山霜落久才子憶荆扉旅舍尋人別秋風逐雁歸夢  
愁楓葉盡醉惜菊花稀肯學求名者經年末拂衣

臥病寄苗員外

故人初未貴相見得淹留一自朝天去因成計日遊月

明應獨醉葉下肯同愁因恨劉楨病空園欲見秋

送楊臯擢第歸江東

一作送表  
丈楊暉

隋堤望楚國江上一歸人綠氣千檣暮青風萬里春  
試才初得桂泊渚肯傷蘋拜手終悽愴恭承中外親

題鄭少府林園

謝家今日晚一作暖詞客願抽毫攬馬方迴影池鵝正理毛

竹筒傳水遠塵尾坐僧高獨有宗雷賤過君著一作看敝袍

送吉中孚拜官歸業

南入華陽洞無人古樹寒吟詩開舊帙帶綬上荒壇因  
病求歸易霑恩更隱難孟宗應獻鮓家近守漁官

送楊少府赴陽翟

即今古人之弟



冠帶仁兄後光輝壽母前  
陸雲還入洛潘岳更張筵  
井邑嵩山對園林  
潁水連東人欲相送  
旅舍已潛然

慈恩寺暎上人房招耿拾遺

悠然對惠遠共結故山期  
汲井樹陰下閉門亭午時  
地閣花落厚石淺水流遲  
願與神仙客同來事本師

宿山寺雪夜寄吉中孚

獨愛僧房竹春來長到池  
雲遮皆晃朗雪壓半低垂  
不見侵山葉空聞拂地枝  
鄙夫今夜興唯有子猷知

贈趙神童

聖朝殊漢令才子少登科  
每見先鳴早常驚後進多  
獨居方寂寞相對覺蹉跎  
不是通家舊頗勞文舉過

宿雲際寺贈深上人

暫別青藍寺，今來髮欲斑。  
獨眠孤燭下，風雨在前山。  
壞宅終須去，空門不易還。  
支公有方便，一願啓玄關。

送從兄赴洪州別駕兄善琴

援琴兼愛竹，遙夜在湘沅。  
鶴舞月將下，烏啼霜正繁。  
亂流喧橘岸，飛雪暗荆門。  
佐郡無辭屈，其如相府恩。

山中期張芬不至

石一作古堤春草碧，雙燕向西飛。  
悵望雲天暮，佳人何處歸。  
藥欄蟲網遍，苔井水痕稀。  
誰道嵇康嬾，山中自掩扉。

寄暢當

麥秀草芊芊，幽人好晝眠。  
雲霞生嶺上，猿鳥下牀前。  
顏

子方敦行支郎久住禪中林輕暫別約畧已經年

送義興元少府

逢君惠連第<sub>一作弟</sub>初命更光輝已得羣公祖終妨太傅譏  
路長人反顧草斷鷺迴飛本是江南客還同衣錦歸

臥病別鄭錫

病來喜無事多臥竹林間此日一相見明朝還掩關幽  
人愛<sub>一作怨</sub>芳草志士惜頽頽歲宴不我棄期君在故山

書志贈暢當<sub>并序</sub>

余少尚神仙且未能去友人暢當以禪門見導余  
心知必是未得其門因寄詩以咨焉

少喜<sub>一作嘉</sub>神仙術未去已蹉跎壯志一為累浮生事漸多

衰顏不相識歲暮定相過請問宗居士君其奈老何

送諸暨裴少府公先人元相公判官

山公訪嵇紹趙武見韓侯事去恩猶在名成淚却流一

官同北去千里赴南州才子清風後無貽相府憂

送鄭宥入蜀迎覲

寧親西陟險君去異王陽在世誰非客還家即是鄉劍

門千轉盡大劍山即劍門也巴水一支長嘉陵江潼江小劍水皆巴水也請語愁猿道

無煩促淚行

送耿拾遺漳使江南括圖書

驅傳草連天回風滿樹蟬將過夫子宅前一作問孝廉船

漢使收三篋周詩採百篇別來將一作君絲有淚不是怨流年

夫身於送王少府遊河南

馬卿方失意東去謁諸侯過宋人應少遊梁客獨愁鳥

翻于室暮蟬急兩河秋僕本無媒者因君淚亦流

送別駕赴晉陵即舍人叔之兄

諸宗稱叔父從子亦光輝謝眺中書直王祥別乘歸江

帆衝雨上海樹隔潮微南阮貧無酒唯將淚濕衣

臥病寄閣案

病中貪好景強步出幽居紫葛垂山徑黃花繞野渠荒

林飛老鶴敗堰過遊魚縱憶同年友無人可寄書

晚夏聞蟬寄 一本有廣文 一作郎

昨日鶯轉聲 一作始 今朝蟬忽 一作 鳴朱顏向華髮定是幾

年程故國白雲遠，  
闕居青草生。  
因垂數行淚，  
書報一作寄十  
年兄。

歸山居寄錢起

悵望青山下，  
回頭淚滿巾。  
故鄉多古樹，  
落日少行人。  
鬢將回色簪，  
纓未到身誰。  
知武陵路，  
亦有漢家臣。

曉發瓜州

曉發悲行客，  
停橈獨未前。  
寒江半有月，  
野戍漸無煙。  
棹唱臨高岸，  
鴻嘶發遠田。  
誰知避徒御，  
對酒一潸然。

江上喜逢司空文明

秦人江上見，  
握手淚沾巾。  
落日見秋草，  
暮年逢故人。  
非  
夫長作客，  
多病淺謀身。  
臺閣舊親友，  
誰曾見苦辛。

同苗發慈恩寺避暑

追涼尋寶刹畏日望璇題  
臥草同鴛侶臨池似虎溪  
樹閣人跡外山晚鳥行西  
若問無心法蓮花隔淤泥

送潘述宏詞下第歸江外

第七句缺二字

唱高人不和此去淚難收  
上國經年住長江滿目流  
奕碁知勝偶射策請焚舟  
應是田一作由玄成許爾遊

送張少府赴夏縣

雖爲州縣職還欲抱琴過  
樹古聞風早山枯見雪多  
雞聲連絳市馬色傍黃河  
太守新臨郡還逢五袴歌

酬秘書元丞郊園臥疾見寄

聞說漳濱臥題詩怨歲華  
求醫主高手報疾到貧家  
撒

枕銷行蟻移杯失畫蛇明朝九衢上應見玉人車

送成都韋丞還蜀

蜀門雲樹合高棧有猿愁驅傳加新命之官向舊遊晨  
裝逢酒雨夜夢見刀州遠別長相憶當年莫滯留

晚秋旅舍寄苗員外

爭途苦不前貧病遂連牽向暮同行客當秋獨長年晚  
花唯有菊寒葉已無蟬吏部逢今日還應甕下眠

送惟良上人歸潤州

擬詩偏不類又送上人歸寄世同高鶴尋仙稱一作補壞衣

兩行江草短露坐海帆稀正被空門縛臨歧乞解圍

送何兆下第還蜀



重江不可涉孤客莫晨裝一作高古木莎城小一作下殘星一作霞棧

道長裹猿楓子落過一作送雨荔枝香勸爾成都住文翁有

草一作學堂一作舊房

送友人宰湘陰

從宦舟行遠浮湘又入閩蒹葭無朔雁檉枯有蠻神傳

吏閒調象山精暗訟人唯須干樹橘暫救李衡貧

送元晟歸江東舊居

澤國舟車接關門雨雪乘春天行故楚夜月下清淮講

易居山寺論詩到郡齋蔣家人暫別三路草連堦

送黎少府赴陽翟

詩禮稱才子神仙是丈人玉山那惜醉金谷已無春白

馬如風疾青袍奪草新不嫌鳴吠客願用百年身

送夏侯審遊蜀

西望煙綿樹愁君上蜀時同林息商客隔棧見眾師石  
滑羊腸險山空杜宇悲琴心正幽怨莫奏鳳凰詩

單推官廳前雙桐詠

封植因高興孤貞契素期由來得地早何事結花遲葉  
重凝煙後條寒過雨時還同李家樹爭賦角弓詩

送宋校書赴宣州幕

浮舟壓芳草容裔逐江春遠避看書吏行當入幕賓夜  
潮衝老樹曉雨破輕蘋鴛鴦多傷別樂家德在人

送趙給事姪尉丹陽

太傅憐羣從門人亦賤回入官先愛子賜酒許同杯淮  
海春多雨蒹葭夜有雷遙知拜慶後梅尉稱仙才

宿瓜洲寄柳中庸

懷人同不寐清夜起論文月魄正出海雁行斜上雲寒  
潮來灑灑秋葉下紛紛便送江東去徘徊祇待君

夜宴虢縣張明府宅逢宇文評事

虢田留古宅入夜足秋風月影來窗裏燈光落水中微  
詩逢謝客飲酒得陶公更愛疎籬下籜霜濕菊叢

冬夜集張尹後閣

乘龜兼戴豸白面映朱衣安石還須起泉明不得歸磨  
門常吏在登席舊寮稀遠客長先醉那知亞相威

將之澤潞留別王郎中

弱年知己少前路主人稀貧病期相惜艱難又憶歸事  
成應未卜身賤又無機幸到龍門下須因羽翼飛

晚次巴陵

雪後柳條新巴陵城下人烹魚邀水客載酒奠山一作江神

雲去低一作歸斑竹波迴一作風來動白蘋不堪逢楚老日暮正江

春

送荀道士歸廬山

先生歸有處欲別笑無言綠水到山口青林連洞門月  
明尋石路雲霽望花源早晚還乘鶴悲歌向故園

送張淑歸覲叔父

日慘長亭暮天高大澤閒風中聞草木雪裏見江山馬  
向塞雲去人隨古道還阮家今夜樂應在竹林間

送郭參軍赴絳州

登車君莫望故絳柳條春蒲澤逢胡雁桃源見晉人佐  
軍髯尚短擲地思還新小謝常攜手因之醉路塵

送袁稠游江南

江南衰草遍十里見長亭客去逢搖落鴻飛入杳冥空  
城寒雨細深院曉燈青欲去行人起徘徊恨酒醒

送夏中丞赴寧國任

楚縣入青楓長江一派通板橋尋謝客古邑事陶公片  
雨收山外連雲上漢東陸機猶滯洛念子望南鴻

送衛雄下第歸同州

不一作下才先上第詞客却空還邊地行人少平蕪盡日閒

一蟬陂樹裏衆火隴雲間一作龍頭關羨汝歸茅屋書窗見遠

一作晚山

送單少府赴扶風

少年趨盛府顏色比花枝范匄非童子楊脩豈小兒叨

陪丈人行常恐阿戎欺此去雲霄近看君逸足馳

題山中別業

舊宅在山中閒門與寺通往來黃葉路交結白頭翁晚

筓難成竹秋花不滿叢生涯祇麤糲吾豈諱言窮

送司空文明歸江上舊居

野菊有黃花送君千里還鴻來燕又去離別惜容顏  
流水通歸夢行雲失故關江風正搖落宋玉莫登山

送新城戴叔倫明府

遙想隋堤路春天楚國情晴在白雲當海斷青草隔淮生  
雁起斜還直潮回遠復平萊蕪不可到一醉送君行

送雍丘任少府

叢車餞才子路走許東偏遠水同春色鱗花勝雪天  
鳥行侵楚邑樹影向殷田莫學生鄉思梅真正少年

送雍州

厭郎思出守一作寺遂領漢東軍望月逢殷浩綠江送范雲

城闕煙草遍浦洶雪林分誰伴樓中宿吟詩估客聞

寄王密卿

酒樂今年少僧期近日頻買山多爲竹卜宅不緣貧志  
業歸初地文章寄此身嵇康雖有病猶得見情人

與蕭遠上人游少華山寄皇甫侍御

尋危兼採藥渡水又登山獨與高僧去逍遙落日間漸  
看閭里遠自覺性情閒迴首知音在因令悵望還

代村中老人答

京洛風塵後村鄉煙火稀少年曾失所衰暮欲何依夜  
靜臨江哭天寒踏雪歸時清應不見言罷淚盈衣

贈故將軍

平生任邊日鞍馬若星流獨出關千里相知滿九州恃



功凌主將作氣見王侯誰道廉頗老猶能報遠讐

送陸郎中歸田司空幕

漢家分列宿東土佐諸侯結束還軍府光輝過御溝  
農桑連紫陌分野入青州覆被恩難報西看成白頭

酬晉侍御見寄

野客蒙詩贈殊恩欲報難本求文舉識不在子真官  
細雨雙林暮重陽九日寒貧齋一叢菊願與上賓看

送銅澤王歸城

昔聞公族出其一作實從亦高車爲善唯求樂分貧必及疎  
身承漢枝葉手習魯詩書尚說無功德三年在石渠

江上別柳中庸

秦人江上見握手便霑衣近日相知少往年親故稀遠  
遊何處去舊業幾時歸更向巴陵宿堪聞雁北飛

喜皇甫郎中拜諭德兼集賢學士

爲郎三載後寵命一朝新望苑遷詞客儒林拜丈人鶯  
飛綺閣曙柳拂畫堂春幾日調金鼎諸君欲望塵

送黎兵曹往陝府結婚

東方發車騎君是上頭人奠雁逢良日行媒及仲春時  
稱渡河婦宜配坦牀賓安得同門吏揚鞭入後塵

送竇兵曹

梨花開上苑遊女著羅衣聞道情人怨應須走馬歸御  
橋遲日暖官渡早鶯稀莫遣佳期過看看蝴蝶飛

留別故人

一作李  
頎詩

此別不可道此心當語誰  
春風灞水上飲馬桃花時  
誤作好文士祇應遊宦遲  
留書下朝客我有故山期

奉送宋中丞使河源

東周遣戍役才子欲離羣  
部領河源去悠悠隴水分  
笳聲悲塞草馬首渡關雲  
辛苦逢炎熱何時及漢軍

都亭驛送郭判官之幽州幕府

幕府參戎事承明伏奏歸  
都亭使者出杯酒故人違  
細雨霑官騎輕風拂客衣  
還從大夫後吾黨亦光輝

送王羽林往秦州

秦州貴公子漢日羽林郎  
事主來中禁榮親上北堂  
輜

車花擁路寶劒雪生光直掃三邊靖承恩向建章

送友入關

一本題上有代  
從兄衡四字

聞君帝城去西望一沾巾落日見秋草暮年逢故人非  
才長作客有命懶謀身近更嬰衰疾空思老漢濱

代宗輓歌

祖庭三獻罷嚴衛百靈朝警蹕移前殿宮車上渭橋寒  
霜凝羽葆野吹咽笳簫已向新京兆誰云天路遙

張左丞輓歌二首

素旆低寒水清笳出曉風烏來傷賈傅馬立葬滕公松  
柏青山上城池白日中一朝今古隔唯有月明同  
禍集鉤方失災生劒忽飛無由就日拜空憶自天歸門

吏看還葬宮官識賜衣東堂哀贈畢從此故臣稀

奉和王元二相避暑懷杜太尉

一作奉和王元二相公於中書東廳避暑悽然

懷杜太尉

艱難嘗共理海晏更相悲況復登堂處分明避暑時  
綠槐千穗綻丹藥一番遲蓬華今何幸先朝一作大雅詩

靑龍寺題故曇上人房

遠公留故院一徑雪中微童子逢皆老門人問亦稀  
翻經徒有處攜履遂無歸空念尋巢鶴時來傍影飛

早春夜望

舊雪逐泥沙新雷發草芽曉霜應傍鬢夜雨莫催花  
行矣前途晚歸歟故國賒不勞報春盡從此惜年華

宴伊東岸

晴洲無遠近一樹一潭春芳草留歸騎朱櫻擲舞人空  
花對酒落小翠隔林新竟日皆攜手何由遇此辰

雲際中峰居喜見苗發

一作祖  
詠詩

自得中峰住深林亦閉關經秋無客到入夜有僧還暗  
澗泉聲小荒村樹影閑高窗不可望星月滿空山

宿洞庭

白水連天暮洪波帶日流風高雲夢夕月滿洞庭秋沙  
上漁人火煙中賈客舟西園與南浦萬里共悠悠

江上賽神

疎鼓應繁絲送神歸九疑蒼龍隨赤鳳帝子上天時驟

雨歸山疾長江下日遲獨憐遊宦子今夜泊天涯

李端奉和元丞侍從遊南城別業

垂朱領孫子從宴在池塘獻壽回龜顧和羹躍鯉香  
高松先草晚平石助泉涼餘橘期相及門生有陸郎

玉鞭騎送從舅成都丞廣南歸蜀

一作盧綸詩

粉何郎不解愁

巴字天邊水秦人去是歸棧長山雨響溪亂火田稀俗  
富行應樂官雄祿豈微魏舒終有淚還濕甯家衣

西宇天臺木秦人去是驪對身山雨響氣嶺次田赫谷

送翁夏知楷丞黃南歸

餘詩  
并監

林共草知平石烟泉京餘跡膜昧及門主在對涼秋  
里未餘經千翁宴在出歡驚畫回雖薩味羹戰鱗香高  
奉咏天丞卦翁茲南越服業

兩龍山飛身山下日聖斷數茲宜于今或出天聖



全唐詩

李端

贈郭駙馬

郭令公子曖尚昇平公  
主令於席上成此詩

青春都尉宸風流二十功成便拜侯  
金距鬪雞過土苑  
玉鞭騎馬出長楸  
熏香荀令偏憐少  
傅粉何郎不解愁  
日暮吹簫楊柳陌  
路人遙指鳳凰樓

方塘似鏡草芊芊  
初月如鉤未上弦  
新開金埒看調馬  
舊賜銅山許鑄錢  
楊柳入樓吹玉笛  
芙蓉出水妬花鈿  
今朝都尉如相顧  
一作許願脫長裾學少年

宿淮浦憶司空文明

愁心一倍長離憂  
夜思千重戀舊遊  
秦地故人成遠夢

楚天涼雨在孤舟諸溪近海潮皆應獨樹邊淮葉盡流

別恨轉一作最深何處寫前程唯有一登樓

今陣借送濮陽錄事赴忠州

成名不遂一作莫歎雙旌遠一作室印還為一郡雄赤葉黃花隨

野岸青山白水映江楓巴人夜語一作話孤舟裏越鳥春啼

萬一作衆壑中間說古書多未校肯令才子久西東

送馬尊師一作侯道士

南入商山松路深石牀溪水晝陰陰雲中採藥隨青一作流

節洞裏耕田映綠林直上煙霞空舉手迴經丘壠自傷

心武陵花木應長在願與漁一作門人更一尋

題元注林園

謝家門館似山林，碧石青苔滿樹陰。  
乳鵲晒巢花巷靜，鳴鳩鼓翼竹園深。  
枯禪轉水兼通藥，方丈留僧共聽琴。  
獨有野人箕踞慣，過君始得一長吟。

野寺病居喜盧綸見訪

青青麥壠白雲陰，古寺無人新草深。  
乳燕拾泥依古井，鳴鳩拂羽歷花林。  
千年駁蘚明山履，萬尺垂蘿入水心。  
一臥漳濱今欲老，誰知才子忽相尋。

送皎然上人歸山

適來世上豈緣名，適去人間豈爲情。  
古寺山中幾日到，高松月下  
一僧行。  
雲陰鳥道苔一作山方合，雪映龍潭水更清。  
法主欲歸須有說，門人流淚厭浮生。

贈道士

姓氏不書高士傳，形神自得逸人風。  
已傳花洞將秦接，更指茅山與蜀通。  
嬾說歲年齊絳老，甘爲鄉曲號涪翁。  
終朝賣卜無人識，敝服徒行入市中。

題雲際寺準上人房

高僧居處似天台，錫杖銅瓶對綠苔。  
竹巷雨晴春一作新鳥囀，山房日午老人來。  
園中鹿過椒枝動，潭底龍遊水沫開。  
獨夜焚香禮遺像，空林月出始應迴。

山中寄苗員外

鳥鳴花發空山裏，衡岳幽人藉草時。  
旣近淺流安筆硯，還因平石布著龜。  
千尋楚水橫琴望，萬里秦城帶酒思。

聞說潘安方寓直與君相見漸難期

憶故山贈司空曙

漢主金門正召才馬卿多病自遲迴  
舊山慙別老將至芳草欲闌歸  
去來雲在高天風會起年如流水  
自長一作催知君素有栖禪意  
歲晏蓬門遲一作爾開

南陌晴雲稍變霞東風動柳水紋斜  
園林帶雪潛生草

桃李雖一作春未有花幸接上賓登  
鄭驛羞為長女似黃

家今朝一望還成暮一作欲別芳菲戀歲華

寄廬山真上人

高僧無跡本難尋更得禪行去轉深  
青草湖中看五老

白雲山上宿雙林月明潭色澄空性夜靜猿聲證道心  
更謝說公南座好煙蘿到地幾重陰

題覺公新蘭若

頭白禪師何處還獨開蘭若樹林間鬼因巫祝傳移社  
神見天人請施山猛虎聽經金磬動獼猴獻蜜雪窗閒  
新齋結誓如相許願與雷宗永閉關

贈道者

窗一作空中忽有鶴飛聲方士因知道欲成來取圖書安枕  
裏便驅雞犬向山行花開深洞仙門小路過懸橋羽節  
輕送客自傷身易老不知何處待先生

代棄婦答賈客

一作妾

薄命

薄命

玉壘城邊爭走馬，銅鞮市裏共乘舟。  
鳴環動珮恩無一作能盡，掩袖低巾淚不流。  
疇昔將歌邀客醉，如今欲舞對君羞。  
忍懷賤妾平生曲，一作好獨上襄陽舊酒樓。

和李舍人直中書對月見寄

名卿步月正淹留，上客裁詩怨別遊。  
素魄近成班女扇，清光遠似庾公樓。  
嬋娟更稱凭高望，皎潔能傳自古愁。  
盈手入懷皆不見，陽春曲麗轉難酬。

臥病聞吉中孚拜官寄元秘書昆季

漢家採使不求聲，自慰文章道欲行。  
毛遂登門雖異賞，韓非入傳濫齊名。  
雲歸暫愛青山出，客去還愁白髮生。  
年少奉親皆願達，敢將心事向玄成。

平也奉汪上逢柳中庸

舊住衡山曾夜歸見君江客憶荆扉  
星沉嶺上人行早月過湖西鶴唳稀  
竹萬株頻礙幘新泉數步一褰衣  
今來唯有禪心在鄉路翻成向翠微

戲贈韓判官紳卿

少尋道士居嵩嶺晚事高僧住沃洲  
齒髮未知何處老身名且被外人愁  
欲隨山水居茅洞已有田園在虎丘  
獨怪子猷緣掌馬雪時不肯更乘舟

送周長史

青楓樹裏宣城郡獨佐諸侯上板橋  
江客亦能傳好信山僧多解說南朝  
雲陰出浦看帆小草色連天見雁遙



別有空園落桃李知將絲組繫蘭橈

題故將軍莊

曾將數騎過一作戰桑乾遙對單于飭馬鞍塞北征兒諳一作思

用劍關西宿將許登壇田園蕪沒歸耕晚弓箭開離出

獵難唯有老身如刻畫猶期聖主解衣看

夜投豐德寺謁海上人一本作盧綸詩

半夜中峰有磬聲偶尋一作逢樵者問山名上方月曉聞僧

語下界林疎見客行野鶴巢邊松最老毒龍潛處水偏

清願得遠山知姓字焚香洗鉢過餘生

塞上一本作盧綸詩 一作從軍行

二十在邊城軍中得勇名卷旗收敗馬占磧擁殘兵覆

陣鳥鳶起燒山草木明塞閑思遠獵師老厭分營雪嶺  
無人跡冰河足雁聲李陵甘此沒惆悵漢公卿

送彭將軍雲中覲兄

聞說蒼鷹守今朝欲下韝因令白馬將兼道覓封侯畧  
地關山冷防河雨雪稠翻弓騁後臂承箭惜貂裘設伏  
軍謀密坑降塞邑愁報恩唯有死莫使漢家羞

奉贈苗員外

朱戶敞高扉青槐礙落暉八龍承慶重三虎遞朝歸坐  
竹人聲絕橫琴鳥語稀花慙潘岳貌年稱老萊衣葉暗  
新櫻熟絲長粉蝶飛應憐魯儒賤空與故山違

酬丘拱外甥覽余舊文見寄

丘遲本才子始冠即周旋舅乏郝鑒愛君如衛玠賢禮  
將金友等情向玉人偏鄙俗那勞似龍鍾却要憐投輒  
聊取笑贈綺一何妍野坐臨黃菊溪行踏綠錢巖高雲  
反下洞黑水潛穿僻嶺猿偷栗枯池雁唳蓮身居霞外  
寺思發月明田猶恨縈塵網昏昏過歲年

贈岐山姜明府

昨夜聞山雨歸心便似遲幾迴驚葉落即到白頭時雁  
影將魂去蟲聲與淚期馬卿兼病老宋玉對秋悲謝客  
纔爲別陶公已見思非關口腹累自是雪霜姿釀酒栽  
黃菊炊粳折綠葵山河方入望風日正宜詩牧豎寒騎  
馬邊烽晚立旗蘭凋猶有氣柳脆不成絲別後如相問

高僧知所之

下第上薛侍郎

蓬華春風起開簾却自悲如何飄梗處又到採蘭時  
明鏡方重照微誠寄一辭家貧求祿早身賤報恩遲  
幸得皮存矣須勞翼長之銘肌非厚荅肉骨是前期  
縱覺新人好寧忘舊主疑終慙太丘道不爲小生私

奉和秘書元丞杪秋憶終南舊居

高門有才子能履古人蹤  
白社陶元亮青雲阮仲容  
田園忽歸去車馬杳難逢  
廢巷臨秋水支願向暮峰  
行魚避楊柳驚鴨觸芙蓉  
石竇紅泉細山橋紫菜重  
鳳雛終食竹鶴侶暫巢松  
願接煙霞賞羈離計不從

送歸中丞使新羅

一作李益詩

東望扶桑日何年是到時  
片帆通雨露積水隔華夷  
浩淼風來遠虛冥鳥去遲  
長波靜雲月孤島宿旌旗  
別葉傳秋意迴潮動客思  
滄溟無舊路何處問前期

暮春尋終南柳處士

龐翁一居士鶉服隱堯時  
種荳初成畝還丹舊日師  
入溪花徑遠向嶺鳥行遲  
紫葛垂苔壁青菰映柳絲  
偶來塵外事暫與素心期  
終恨遊春客同爲歲月悲

雪夜尋太白道士

雪路夜朦朧尋師杏樹東  
石壇連竹靜醮火照山紅  
再拜開金籙焚香使玉童  
蓬瀛三島至天地一壺通  
別客

曾留藥逢舟或借風出遊居鶴上避禍入羊中過洞偏  
回首登門未發蒙桑田如可見滄海幾時空

得山中道友書寄苗錢二員外

有謀皆轆軻非病亦溼迴壯志年年減馳暉日日催還  
山不及伴到關又無媒高臥成長策微官稱下才詩人  
識何謝居士別宗雷跡向塵中隱書從谷口來藥欄遭  
鹿踐澗戶被猿開野鶴巢雲竇遊龜上水苔新歡追易  
失故思渺難裁自有歸期在勞君示劫灰

酬前駕部員外郎苗發

馬融方直校閱簡復持鉛素業高風繼青春壯思全論  
文多在夜宿寺不虛年自署區中職同荒郭外田山鄰

三徑絕野意，八行傳煮玉。矜新法，留符識舊仙。涵苔溪溜淺，搖浪竹橋懸。複洞潄樓鷺，疎楊半翳蟬。詠歌雖有和雲錦，獨成妍。應以馮唐老，相譏示此篇。

宿薦福寺東池有懷故園因寄元校書

暮雨風吹盡東池，一夜涼伏流迴弱。荇明月入垂楊石，竹間開碧薔薇。暗吐黃倚琴看鶴舞，搖扇引桐香。舊筍方辭籜，新蓮未滿房。林幽花晚發，地遠草先長。撫枕愁華鬢，凭欄想故鄉。露餘清漢直，雲卷白榆行。驚鵲仍依樹，遊魚不過梁。繫舟偏憶戴，炊黍願期張。末路還思借前恩，詎敢忘從來。叔夜嬾非是，接輿狂。衆病嬰公幹，羣憂集孝璋。慙將多誤曲，今日獻周郎。

送王副使還并州

并州近胡地此去事風沙鐵馬垂金絡貂裘犯雪花曾  
持兩郡印多比五侯家繼世新恩厚從軍舊國賒成煙  
千里直邊雁一行斜想到清油幕長謀出左車

晚春過夏侯校書值其沉醉戲贈

欵冠枕如意獨寢落花前姚馥清時醉邊韶白日眠曝  
禪還當屋張幕便成天謁客唯題鳳偷兒欲覘羶失杯  
猶離席墜履反登筵本是墻東隱今爲甕下僊臥龍髯  
乍磔栖蝶腹何便阮藉供琴韻陶潛餘秫田人逢穀陽  
望春似永和年顧我非工飲期君行見憐嘗知渴羌好  
亦覺醉胡賢炙熟樽方竭車回轄且全暎風仍作雨灑



地即成泉自鄙新豐過遲迴惜十年

哭張南史因寄南史姪叔宗

爭路忽摧車沈鉤未得魚結交雅我少喪舊自君初諫  
草文難似圍碁智不如仲宣新有賦叔夜近無書地閉  
滕公宅山荒謝客廬穢良從此恨福善竟成虛釀酒多  
回醉烹雞或取餘阮咸雖永別豈共仲容疎

長安感事呈盧綸

十五事文翰大兒輕孔融長裾遊邸第笑傲五侯中諫  
獵一朝寢論邊素未工蹉跎潘鬢至蹭蹬阮途窮貸布  
憐寧與無金命未通王陵固似顛郭最遂非雄斂板辭  
羣彥回車訪老農詠詩懷洛下送客憶山東沈病魂神

濁清齋思慮空羸將衛玠比冷共鄴侯同草舍纔遮雨  
荆窗不礙風梨教通子守酒是遠師供捫虱欣時泰迎  
猫達歲豐原門唯有席并飲但加葱少壯矜齊德高年  
覺宋龔寓書先論嬾讀易反求蒙昔慕能鳴雁今憐半  
死桐秉心猶似矢搔首忽如蓬赤葉翻藤架黃花蓋菊  
叢聊將呈匠伯今已學愚公

遊終南山因寄蘇奉禮士尊師苗員外

半嶺逢仙駕清晨獨採芝壺中開白日霧裏捲朱旂  
猿鳥知歸路松蘿見會時雞聲傳洞遠鶴語報家遲  
童子閑驅石樵夫樂看碁依稀醉後拜恍惚夢中辭  
海上終難接人間益自疑風塵甘獨老山水但相思  
願得燒丹

訣流沙永待

一作侍

師

勅

入

黃

閣

初

秋

風

長安書事寄盧綸

回

賦

壯

年

壯

賦

弱冠家廬岳從師歲月深翻同老夫見殊寡少年心及  
此時方晏因之名亦流趨途非要路避事樂空林素業  
在山下青泉當樹陰交遊有凋喪離別代追尋向秀初  
聞笛鍾期久罷琴殘愁猶滿貌餘淚可霑襟勿以朱顏  
好而忘白髮侵終期入靈洞相與鍊黃金

送郭良輔下第東歸

勸

歸

勸

歸

勸

獻策不得意馳車東出秦暮年千里客落日萬家春

妾薄命

自從君棄妾憔悴不羞人唯餘壞粉淚未免映衫勻

送曠上人遊春

獨將支遁去欲往戴顓家  
晴野人臨水春山樹發花

晦日同苗員外遊曲江

晦日同攜手臨流一望春  
可憐楊柳陌愁殺故鄉人

溪行逢雨與柳中庸

日落衆山昏一作星蕭蕭暮雨絛  
那堪兩處宿共聽一聲猿

和張尹憶東籬菊

傳書報劉尹何事憶陶家  
若爲籬邊菊山中有此花

幽居作

山舍千年樹江亭萬里雲  
回潮迎伍相驟雨送湘君

題雲際寺曠上人故院

白髮忽忽色青山草草心遠公仍下世從此別東林

觀鄰老栽松

雖過老人宅不解老人心何事殘陽裏栽松欲待陰

贈胡居士

孔融過五十海內故人稀相府恩猶在知君未拂衣

薦福寺送元偉

送客攀花後尋僧坐竹時明朝莫回望青草馬行遲

哭苗垂

一作過故友墓

舊友無由見孤墳草欲長月斜鄰笛盡車馬出山陽

風穴雜客行贈馮著

旅行雖別路日暮各思歸欲下今朝淚知君亦濕衣

蕪城

一作蕪城懷古

風吹城上樹草沒城邊

一作

路城裏月明時精靈自來去

此首即前蕪城篇末四句

贈山中老人

白首獨一身青山爲四鄰  
雖行故鄉陌不見故鄉人

拜新月

一作歌澤詩

開簾見新月便即下階拜  
細語人不聞北風吹裙帶

聽箏

鳴箏金粟柱素手玉房前  
欲得周郎顧時時誤拂弦

贈何兆

文章似楊馬風骨又清羸  
江漢君猶在英靈信未衰

同司空文明過堅上人故院

一作過堅上人  
影堂逢司空曙

我與雷居士平生事遠公無人知是舊共到影堂中

雜詩

主第辭高飲石家赴宵會金谷走車來玉人騎馬待

感興

香爐最高頂中有高人住日暮下山來月明上山去

問張山人疾

先生沈病意何如蓬艾門前客轉疎不見領徒過絳帳

唯聞與婢削丹書

江上送客

故人南去漢江陰秋雨蕭蕭雲夢深江上見人應下淚

由來遠客易傷心

閨情

月落星稀天欲明  
孤燈未滅夢難成  
披衣更向門前望  
不忿朝來鵲喜聲

送劉侍郎

幾人同去一作入謝宣城  
未及酬恩隔死生  
唯有夜猿知客恨  
嶧陽溪路第三聲

王策一作入重送鄭宥歸蜀因寄何兆  
車來王入一作入想一作入蘇

黃花西上路何如  
青壁連天雁亦疎  
爲報長卿休滌器  
漢家思見茂陵書

宿石澗店聞婦人哭



山店門前一婦人  
哀哀夜哭向秋雲  
自說夫因征戰死  
朝來逢著舊將軍

與道者別

聞說滄溟今已淺  
何當白鶴更歸來  
舊師唯有先生在  
忍見門人掩淚回

長門怨

一作長信宮

金壺漏盡禁門開  
飛燕昭陽侍寢回  
隨分獨眠秋殿裏  
遙聞語笑自天來

憶友懷野寺舊居

一作答司空文  
明懷野寺舊居

自嫌野性共人疎  
憶向西林更結廬  
寄謝山陰許都講  
昨來頻得遠公書

聽夜雨寄

暮雨蕭條過鳳城  
霏霏颯颯重還輕  
聞君此夜東林宿  
聽得荷池幾番作聲

昭君詞

李陵初送子卿回  
漢月明時惆悵一作明  
來憶著長安舊  
遊處千門萬戶玉樓臺

春晚游鶴林寺寄使府諸公

野寺尋春花已遲  
背巖惟有兩三枝  
明朝攜酒猶堪醉  
爲報春風且莫吹